

Kolosi

Naoa itəm Pol təmäte tuwin kəm iəfak min ikin Kolosi

Nəghatən əkuəkir rəha naoa u Kolosi

?**Pah** təmäte naoa u? **Aposol Pol** təmäte naoa u.

?**Təmäte** tatuwin kəm pah? **Təmäte** tatuwin kəm niməfak əpəh Kolosi, taon asol kit əpəh nitən asol Esia.

?**Nəmegəhən** tahro nulan nian təmäte? **Katən** məmə okəm-naka Epafra təmätuoun niməfak əh Kolosi. Pol təsuwinən məplan niməfak əh, mətə iəgətun eiueiua neen kəmotuwa e niməfak. Koatən məmə okotəkəike kətəupən suatip neen rəha nagwənən ne nənimən, kən kəfak kəm nagelo min, moatən məmə Kristo in sənəmə ilis pik. Koatən məmə koatos nitunən neen itəm koatəhluaig, moatən məmə nitunən ne nolən rəha etəmim in nat kit itəm iahgin pik.

?**Təmäte** naoa u o naka? **Pol** təmäte naoa u məmə otoh nəgətunən eiueiua min itəm koatatig e niməfak. Molkeike məmə otən-iarəp məmə Kristo in ilis taprəkis-in natimnat rafin, kən iəfak min okəsotagileən e nəgətunən eiueiua min əh, mətə-inu ilat nat əpnapin əm.

Pol təmätuoun rəhan nəghatən

¹ Io Pol, u io aposol kit rəha Kristo Iesu, itəm Uhgın təmitəpun rəkis io məmə rəhan. Itimlau piətat Timoti etuatig, ² kən nikitimlau tətəgien məmə iatuəghat kəm itəmat e naoa u, itəm iatuəte matuahl-ipinə kəm itəmat netəmim rəha Uhgın əpəh Kolosi, inu piak min ne winik min e Kristo itəm nakotahatətə əskasik lan. Itimlau iatuəfak məmə nəwīrən ne nəməlinuən rəha Uhgın Tata rəhatat in otəkəike mətətatig otəmat.

Pol təmənwiwi Uhgın o netəm Kolosi

³ Nian ekoatəfak otəmat kəm Uhgın u tata rəha İərəməərə İesu Kristo, kən nian rafin ekoatən tagkiu kəm in o rəhan wək e nəmegəhən rəhatəmat, məto-inu emotəto ⁴ məmə rəhatəmat nahatətəən təkaskik ron ne nolkeikeən rəhatəmat tatuwin o netənim itəm koatəfak. ⁵ Nahatətəən ne nolkeikeən rəhatəmat tol min-nulan məto-inu nəkotitun wir e nikitəmat məmə Uhgın otos-ipinə kəm itəmat nat naka itəm in təmol əpen-əpenə lan əpəh ilis e nego e neai. Nəmotəto rəkis natimnat min əh e nəghatən pahrien, inu namnusən təwir rəha İesu Kristo. ⁶ İkin min e nətueintən u, namnusən təwir tatoe-in noan matəwiə matol wi nəmegəhən rəha netənim. Tol əm mə inu nian itəmat nəmotəto motitun nıpahrienən əh e nəwirən rəha Uhgın, kən tatəwiə min matoe e rəhatəmat nəmegəhən. ⁷ Inu suah u Epafra, tinən rəkis nəghatən u kəm itəmat. In etənim wir kit itəm tatos rəhatımlau nəghatən. In etənim kit tatətul əskasik o nolən wək rəha Kristo kən mətasitu etəmat. ⁸ In təmən kəm itımlau nolkeikeən rəhatəmat itəm tatuwin o netənim itəm Narmin Rəha Uhgın təmos-ipinə kəm itəmat.

⁹ Tol min-nulan, e nian itımat emoatəto namnusən əh, kən ekoatəfak e nian rafin otəmat. Ekoatəpəh-in o Uhgın məmə in otətəlmin itəmat e rəhan nətəligən ne nenatigən pəs nəkotitun wir nəwian. ¹⁰ Ekoatəfak nulan məmə naliwəkən rəhatəmat otos-ıpən nisaiiən kəm Uhgın pəs tol nikin tətəgien ron. Məto-inu nəmegəhən rəhatəmat tatoe-in noan itəm təwir o wək rafin rəha Uhgın itəm noatol. Pəs Uhgın otasitu etəmat məmə nəkotitun wir in. ¹¹ Ekoatəfak məmə nəsanənən asol rəha Uhgın otol itəmat nakotəsanən e nian nəratən tatuwa. Pəs nəkoatətul əskasik kən nətəligən rəhatəmat təfəməh, kən nəgienən tətətig etəmat, ¹² kən nakoatən kəm Tata

1:4: Efes 1:15-16

1:6: Efes 1:13; 1 Pita 1:4

1:8: Kol 4:12; Flm 23

1:9: Efes 1:16-17

1:11: Efes 1:19; 3:16

Uhgin mēmә nikitәmat tәtagien o natimat itәm tәmol. In tәmol itәmat nәkotәtuatip, mēmә nәkotitun nosән nautә rәha Uhgin itәm otәpanuwa. Onәkotos rәhatәmat nautә tahmen e netәmim rafin itәm koatәfak motaliwәk e nәhag-әhagән rәha Uhgin. ¹³ Kән Uhgin tәmol nәhlan nian in tәmilәs-irәkis kitat e nәрәmәрәән rәha napinәpән, minol kitat kinotuwa e nәрәmәрәән rәha Nәtin itәm in tolkeike pik. ¹⁴ Kән nәtin tәmikis kitat e nalpinән rәha tәfagә, inәh tәmafәl kitat e tәfagә rat min rәhatat.

Kristo in ilis taprәkis-in

natimnat rafin

¹⁵ Nәti Uhgin tahmen-pән әm e rәhan tata itәm kol netәmim kәsotehmән.

Aupән aupән agin, nian nimәptән ne neai ne natimnat rafin kәmoatikә әh, mәto Nәtin, in tinimaupән matig rәkis, kән tol-pән in, in ilis tatәrәmәрә o natimnat rafin min u.

¹⁶ In ilis mәto-inu in tәmol natimnat rafin e nәtueintән u, ne neai, natimnat itәm katehm ilat o kәsehmән ilat, inәh nagelo min, ne iәrmis min, ne narmin rat min, ne iәrәmәрә min rafin. Kән in tәmol natimnat min rafin u mēmә rәhan.

¹⁷ Kән in tinimaupән matig rәkis e natimnat rafin. Kән natimnat min rafin koatatig mәto-inu nәsanәнән rәhan tәtaskәlim ilat.

¹⁸ Kән in әm tatәtul aupән o nimәfak, kән nimәfak in tatol wәk tahmen-pән e nipәtin, kән in rәhn-kapә.

Kән in nәukәti nimәfak, inәh in etәmim itәm in tәmaupән mәmegәh lilin e nimisән.

Tol nәhlan, in ilis e natimnat rafin.

1:12: Efes 1:11,18 1:13: Luk 22:53; Efes 2:2 1:14: Efes 1:7 1:15: Jon 1:18; 2 Kor 4:4 1:17: Jon 1:1; 8:58 1:18: wәk 26:23; Efes 1:22-23; Nol Әpән 1:5

¹⁹ Mæto-inu e næwia Uhgîn, nămegăhən ne năsanənən rafin rəhan tətatiġ əm e Kristo, kən Kristo in ilis e natimnat rafin.

²⁰ Kən e Kristo, Uhgîn tămălăhəu nămălinuən nian nita Kristo tămai u e niġ kămăluau, kən netămim, ne nat megăh min, ne nagelo min, ne iărmis min, ne natimnat rafin kămotuwa kuăfimîn ilat min e nărămărəən rəha Uhgîn.

E Kristo əm Uhgîn tămol natimnat min əh.

²¹ Aupən ikin, itămat nămoatətul isəu o Uhgîn, kən itămat tikimîr min rəhan e nătəligən rəhatămat, kən nămoatol tăfagə rat. ²² Măto roiu əh, Uhgîn tămol mămə itămat nămotuwa kol kitiaĥ itămat min e nimisən rəha Kristo itəm nipətîn tămăkul e niġ kămăluau. Uhgîn tămol mihin əh lan mămə otos itămat nakotuwa iuăhkir ron, kən motətuatip e niġanəmtin, kən rəhatămat nolən rat tikə, kən okol suah kit tăsən ratən itămat. ²³ Natimnat min u tol năhlan okămə itămat năkoatətul əskasik e rəhatămat nahatătəən e Iesu. Nămoatəto namnusən tăwir itəm tatəġətun natimnat itəm Uhgîn otol kăm itămat əpəh e nego e neai, kən rəhatămat nătəligən otəkăike matətul əskasik e natimnat min əh. Namnusən tăwir u, itəm nămotəto rəkis, kămamnus-iarəp ikin min e nătueintən, kən io Pol, Uhgîn tămaun-in io mămə iatən-iarəp namnusən tăwir əh.

²⁴ Nîkik tagien mămə ekatəto nahmăən e nipətik o rəhatămat nahatătəən. Kristo tăməto nahmăən e nipətîn mămə nimăfak otaiir. Kən e suatip kitiaĥ əm, io min iatəto nahmăən e nipətik o nipəti Kristo, inu in nimăfak, mămə otəwiə măskasik. Kən tol min-năhlan, wək itəm Iesu tămətuoun, iakolkeike mămə iakasitu e wək rəha Iesu o nimăfak, kən matəto nahmăən ron.

1:19: Kol 2:9

1:20: Efes 1:10

1:21: Rom 5:10; Efes 2:12

1:22:

Rom 5:10; Efes 5:27

²⁵ Uhgín əm təmİLəs-İpər İo məmə ekol wək e nİməfak rəhan. Roiu əh, ekitun nasİtuən etəmat o wək İtəm Uhgín təmələhəu-pən e nelmək. Rəhak wək məmə İatən-İarəp nəghatən mİN rafİN rəha Uhgín pəs nəkotİtun wİr, ²⁶ nəghatən əh İn nalpəkau anİonən rəha Uhgín İtəm təmatəhluaİg o netəmİm rafİN aUpən İkİN, məto roiu əh Uhgín tİnuhapİK nİpətİN kəm rəhan netəmİm. ²⁷ Kən Uhgín nİkİN tagİen əm məmə otən-İarəp natİmnat wİr mİN rəha İesu kəm İtəmat, netəm naihluə mİN u kəsənən mə İtəmat netəm İsrel, məmə onəkotİtun mİN. Nalpəkau anİonən İtəm təwİr rəha Uhgín, İn tol mİN-nulan, Kristo təmos nİkİtəmat, kən nəkotİtun motahatətə lan məmə onəkotos rəhan nəwİrən İtəm təwİr ağİN-əh əpəh e nego e neai. ²⁸ Kən İtəmat ekoatən-İarəp Kristo kəm netəmİm rafİN. Kən ekoatən əskasİK moatəhgaiir e nİkİlat, kən moatəgətun İlat e nenatİgən wİr, məmə İlat kotuwa İəfak mİN İtəm koatətul əskasİK e rəhalat nahatətəən e Kristo. ²⁹ İatol wək əskasİK o nat əh, kən e nİan rafİN İatol wək əskasİK pİK e nəsanənən asol rəha Kristo İtəm tatol wək e nəmegəhən rəhak.

2

Nəkotəkəİke motahatətə əskasİK e İesu

¹ İakolkeİke məmə nəkotİtun mə İatol wək əskasİK pİK otəmat netəm Kolosi, ne netəm Laotİsİa, ne neen mİN İtəm koatəfak məto esəhmən İlat. ² İatol wək nəhlan o nİləs-İpərən nətəlİgən rəhatəmat rafİN, nİan İtəmat nakotİlpİN wİr nİkİtəmat məmə nİkİtəmat otol kİtİəh əm, kən natİmnat mİN u İn tatuwa nİan nakoatolkeİke İtəmat mİN. Kən İatol wək məmə İtəmat rafİN onəkotos nİtunən təwİr İtəm otol nİkİtəmat təsanən, kən İn otol mİN məmə nəkotİtun wİr nəghatən pəhriən rəha Uhgín İtəm aUpən

1:26: Rom 16:25-26; Efes 3:2-9

1:29: Efes 3:7,20; Fil 4:13

təmatəhluaiḡ məto roiu tinet-arəp. Kən nalpəkəuən an-ion əh, in Kristo, ³ itəm Uhgın təmərgətəin nenatigən ne nitunən wir min rafin rəhan tətətig lan. ⁴ Io iatəghat nulan kəm itəmat o nahtosig-inən nəghatən eiueiuə min rəha netənim itəm tətəhen o niuw-rəkisən rəhatəmat nətəligən. ⁵ Tol mə etatig pəp isəu otəmat, məto nīkik tatəht pīk itəmat. Kən nīkik tagien pīk məto-inu eməto məmə rəhatəmat nətəligən kitəh əm, kən itəmat nakotahatətə əskasik əm e Kristo.

Rəhatəmat nəmegəhən otəkəike mətatig əm e Kristo.

⁶ Məto-inu itəmat nəmos Kristo Iesu məmə in Iərəmə rəhatəmat, kən nəkotəkəike moatətəu-pən əskasik in. ⁷ Otəskəlīm Kristo tiəkis tahmen e noki nig tateiuaiu mīləs nəptən, kən pəs rəhatəmat nəmegəhən təwiə məskasik lan. Pəs rəhatəmat nahatətəən otəkəike məwiə matəskasik e nian rafin, nahatətəən inu kəməgətun itəmat lan aupən. Kən nian rafin okotəike moatən kəm Uhgın məmə nīkitəmat təmə marioah e nagienən o natimnat itəm təmol otəmat.

⁸ Oatəto wir itəmat məmə netənim kəsotatuən itəmat e iəgətun eiueiuən rəhalat. Nəgətun eiueiuən əh tatətəu-pən nətəligən rəha netənim əm ne nəukəti lou min itəm tatəghat-in natimnat rəha nətueintən əm. Nəghatən min əh tətisi-pən o nətəligən oas min rəha netənim, məto kəsotisi-pənən o Kristo.

⁹ Kən Kristo in Uhgın. Kən in təmuwa mos nīpəti etənim tahmen e kitat, kən natimnat rafin rəha Uhgın tətətig lan.

¹⁰ Kən nian nəmotahatətə e Kristo, kən Uhgın in təmosipən natimnat rafin rəha nəwīrən kəm itəmat. Kən Kristo tatərəmə e netənim ne natimnat rafin itəm

2:3: 1 Kor 1:24,30

2:4: Rom 16:18

2:5: 1 Kor 5:3

2:7: Efes 3:17

2:9: Jon 1:14,16

koatəramərə e nətueintən ne neai. ¹¹ Kən nat kit min e Kristo, nian itəmat nəmotahatətə lan, kən in təməhg-ipən itəmat. Məto sənəmə nəhg-ipənən rəha nīpətīn itəm netəmim koatol, məto nəhg-ipənən rəha nikitəmat itəm Iesu tatol. In təməte rəkis nətəligən ne nolən rat min e rəhatəmat nəmegəhən. ¹² Kən e nian itəm kəmau-təlīmīn itəmat e nəhau, in nəmtətīn kit məmə nəmegəhən aupən rəha təfagə rat rəhatəmat koatīmīs kən katītənīm ilat Iesu, kən Uhgīn təməmegəh min e nəmegəhən wi min itəmat Iesu e nəmegəhən rəhatəmat, in əh e nahatətəən rəhatəmat e nəsanənən asol rəha Uhgīn itəm təmol Iesu təmegəh min e nīmīsən.

¹³ Aupən ikin, nian Uhgīn təməsəte rəkīsən əh nolən rat min e nikitəmat, kən e nīganəmtīn, itəmat nəmotīmīs rəkīs o nolən rat min əh. Məto nian nəmotuwa kol kitīəh itəmat Iesu, kən Uhgīn tosmegəh min itəmat min. Uhgīn təmafəl rəkīs nolən rat min rəhatat. ¹⁴ Nian kitat kəmoatol nolən rat, kən kəmotəht Lou rəha Moses itəm tatən məmə okotīmīs o nolən rat min əh, kən tatətu-pa nīpəgnəmtī nəghatən min kəm kitat. Məto Uhgīn təməht-ipən nəghatən min əh e nīg kəməluau, kən nəsanənən rəhalat tīkə. ¹⁵ E nīg kəməluau-in, Kristo in təmol win e nəsanənən rəha iərəməərə min rafīn, kən təmərəkin nərəməərəən rəha iərmīs min tahmen-pən mə in təmol win elat e nəluaginən asol kit. Kən roiu əh, in təmol rəhan tīkīmīr min kəmotuwa nat əpnapīn əm e nīganəmtī netəmim.

Iesu tatəramərə etəmat

¹⁶ Tol min-nulan, əsotətəlig-inən nəghatən rəha netəmim itəm kotələhəu-osīg məmə nəkəsotolən natīmnat neen, məsotunən nagwənən u o məsotənīmən

nat u. Əsotətellig-inən nəghatən rəhalat itəm koatən məmə nakol natimnat min u e nian asim min, o e nian rəha məwig wi min, o e nian rəha Sapat. ¹⁷ Lou min u rəhalat itəm koatəghat-in, kotahmen e narmi nat kit itəm otəpanuwa, məto nıpəti natimnat rafin tətətig e Kristo. ¹⁸ Netəmim neen kotausit pik məto-inu ilat koatən mə koatehm nəməhlaiirən min neen itəm nıpətilat tatig. Ilat koatən kəm itəmat məmə nəkotəkəike motol natimnat neen itəm tatəgətun məmə rəhatəmat nətəligən teiui, kən itəmat onəkotəkəike moatəfak kəm nagelo min. Əsotətəu-pənən nətəligən min rəhalat. Nətəligən min əh etəmim əm tatol. Okəmə nəkoatətəu-pən nəghatən rəhalat, kən onəkotəkəiəh e rəhatəmat nəmegəhən. Məto-inu netəm min əh koatos-ipər ilat o nat nıpətin tikə. ¹⁹ Netəm min əh kəsotaskəlimən İesu tiəkis. Məto İesu təhmen-pən mə in rəhn-kapə niməfak kənu niməfak in nıpəti İesu. E nolən kitiəh təhmen-pən e nıpəti etəmim, itəm tatilpın ikin e noanol min tatuwin e nikiilkilin, kən İesu tatol mihin əm nat kitiəh e niməfak rəhan mə niməfak otəskasik, kən matəwiə e nəmegəhən wir itəm Uhgın tatol tatəwiə.

Nəmos nəmegəhən wi məto-inu itəmat nəmotol kitiəh e İesu

²⁰ Nian nəmotahatətə e İesu, in təhmen mə nəmotimis itəmat min. Kən məto-inu lou təsuwinən o etəmim itəm təmimis, kən nəukəti lou min itəm tatəghat-in natimnat rəha nətueintən əm, nəsanənən rəhalat tikə məmə okotərəməre etəmat. Tol min-nəhlan, iatətapəh otəmat məmə, təhro itəmat nəkoatətəu-pən lou min rəha nətueintən ne, inəh nəghatən oas min itəm koatən məmə, ²¹ “Əsaskəlimən nat u,” o “Əsun asgəwinən nat u,” o “Əsekən nat u.” ²² Məto nəghatən min u təmisi-pən əm

2:16: Rom 14:1-13

2:17: Hip 8:5

2:19: Efes 2:21; 4:16

2:21: Kal

4:3,9; 1 Tim 4:3

e nətəligən rəha etənim. Ilat koatəghat-in əm natimnat rəha nətueintən u, tahmen-pən e nagwənən neen, ne nənimən neen. Məto natimnat min un, okol təsasituən, kən təsərəkənən nikitəmat, məto-inu e nian onəkotos o nakotun, kən tikə min. ²³ Ekitun mə nian nakoatehm nəghatən min əh, nakotəmə kətah nəghatən aghin-əh min neen. Ilat koatən məmə netənim okotəfak min-nulan o nəhlan, kən ilat koatən məmə okotol rəhalat nətəligən teiuaiu min-nulan o nəhlan, kən ilat koatən min məmə netənim okotəike moatehm wir nipətilat min-nulan o nəhlan e nolən itəm in tiəkis o nipətilat. Məto iatən-ipinə kəm itəmat məmə nəghatən min əh, rəhalat nəsanənən tikə məmə otahtosig-in nətəligən rat min ne nolən rat min itəm netənim koatol e nipətilat.

3

¹ Məto-inu Ughin təmosmegəh min itəmat min Kristo, kən tol mihin nəhlan, roiu əh itəmat onəkotəkəike motol nikitəmat tətətig əskasik e natimnat itəm tətətig əpəh e nego rəha Ughin, ikin əh İesu tatəpələh ikin e nikali Ughin matip, ikin əh, ikin rəha nəsanənən ne nisiiən. ² Itəmat onəkotəkəike motol rəhatəmat nətəligən tətətig əm e nego rəha Ughin, pəs nətəligən rəhatəmat otəsətigən e natimnat rəha nətueintən u, ³ məto-inu itəmat nəmotimis itəmat Kristo, kən nəmegəhən pahrien rəhatəmat koatahluaiğ ilat Kristo itəm tətətig e nego e neai ilau Ughin. Nəmegəhən wi u, netənim kəsotəplanən. ⁴ Nəmegəhən pahrien rəhatəmat in e Kristo əm. Kən nian Kristo otitəlig-pa min, kən Ughin otəgətun Kristo kitat min kəm netənim rafin, kən ilat okotəplan nəwırən ne nəsanənən rəhan.

Suatip ətuatip

⁵ Məto itəmat onəkotəkəike motapəs agin nolən tərəat min rəha nətueintən, nolən tərəat tol min-nulan: nīpitan ne nəman ne, koatit anion ilat min; ilat koatol nolən tərəat tol naulisən o nənən; ilat koatolkeike pīk ilat min o nolən tərəat; təfagə rat tepət e rəhalat nətəligən; ilat naumis, kən nolən əh tahmen-pən məmə koatəfak kəm narmi nat min. ⁶ Nolən rat min əh tatol niki Uhgın titəhmə, kən in otol nalpınən asol kəm netəmim itəm koatol nolən rat min əh. ⁷ Aupən ikin, nolən rat min əh koatərəməmə e rəhatəmat nəmegəhən. ⁸ Məto roiu əh, nəkotəkəike motos-irəkis ilat e rəhatəmat nəmegəhən, kən tol min-nəhlan: nikitəmat təsarətən; nikitəmat ne nohlitəmat təsatipərəh pīkən tahmen e kaluəluə; əsolən tərəat kəm netəmim; əsən ratən netəmim; əsənən nəghatən itəm tol naulisən o nənən. ⁹ Soteiuə-inən itəmat min məto-inu itəmat nəmotapeg rəkis nətəligən oas rəhatəmat kən motapəs rəhan nolən min, ¹⁰ kən nəmotuwın-in nətəligən wi. Uhgın tatos-ipinə nəmegəhən wi u kəm itəmat, matol məmə itəmat onəkotuwa motol əm mə in ne. Kən pəs nəkotitun wır in. ¹¹ Məto e natimnat min əh, in nat əpnəpın əm okəmə ik etəm Isrel, o sənəmə ik etəm Isrel; okəm kəməhg-ipən ik o kəsəhg-ipənən ik; okəmə nəmol-wır skul o nəsol-wırən skul; okəmə ik slef əm kit o ik nakatərəməmə e netəmim. Məto nat asol in Kristo, kən tətətig min e nəmegəhən rəhatat rafin.

¹² Uhgın təmolkəike itəmat, kən mitəpun itəmat məmə rəhan min. Kən tol min-nulan: onəkotəkəike motasəkitun netəmim; motol təwır kəm netəmim; rəhatəmat nətəligən otəkəike mətətig ləhau; itəmat netəm mətig; kən nətəligən rəhatəmat otəfəməh. Otol nəghatən min əh, tahmen-pən mə nakoatuwin-in napən wır rəha Uhgın. ¹³ Nian suah kit otol nat kit otəsahmenən e

3:6: Rom 6:6,11; Efes 4:19; 5:3-6 3:8: Efes 4:25-29; 5:4 3:9: Efes 4:22,25 3:10: Efes 4:24 3:11: Kal 3:28 3:12: 1 Pita 2:9

niganəmtitəmat, kən nikitəmat otəsaħmə uəhaiən ron. Okəmə suah kit tatol tərət kəm itəmat kit, pəs in otos əm timis e nikin, məto in otəkəike maluin kən in mol təwir əm kəm suah un. Saskəlīm-iəkisən e nikiḡm nolən tərət rəha etəḡim itəm təmol kəm ik, məto ol təwir əm kəm in, tahmen-pən əm mə lərəmərə təḡisaskəlīm-iəkisən nolən tərət rəhatat e nikin, məto in təmol təwir əm kəm kitat. ¹⁴ Nat kəike itəm otəkəike matig e nikitəmat, in nolkeikeən. Otos motuwīn-in tahmen-pən mə napən wir rəha Uhgīn. Nian onəkotolkeike itəmat min, kən tol itəmat nakoatuwa kitiəh. ¹⁵ Otos nəḡəlinuən rəha Kristo pəs in tatərəmərə e nikitəmat, məto-inu Uhgīn təḡəun-in itəmat məmə nakotuwa kol kitiəh, kən nakoatatig əm e nəḡəlinuən. Kən nian rafin otən kəm Uhgīn məmə nikitəmat tətəgien o natimnat itəm in təmol kəm itəmat.

¹⁶ Otəgətun itəmat min e nəghatən rəha Kristo, kən moatən e nətəligən təwir kəm itəmat min məmə nəkotəkəike moatol, məsotapəsən. Otan napuən min e Naoa rəha Napuən, ne napuən min rəha niməfak, ne napuən min itəm tətisi-pən e Narmin Rəha Uhgīn. Otan ilat rafin tahmen-pən e nənwīwīən kit itəm tətisi-pən e nikitəmat matuwīn kəm Uhgīn. Inəh e nolən min əh, pəs nəghatən wir rəha Kristo tətətig matəmegəh matəwīə wir e nikitəmat e nian min rafin. ¹⁷ Natimnat rafin itəm noatol, ne nəghatən min rafin itəm noatən, məto nəkotol əm e nərgi lərəmərə Iesu. Kən nian rafin itəmat onəkotəkəike motən kəm Uhgīn, tata rəhatat, məmə nikitəmat tətəgien o natimnat itəm Iesu təmol kəm itəmat.

Nolən wi rəha tata, ne mama, ne nisualkələh

3:13: Efes 4:2,32 3:14: Rom 13:8-10 3:15: 1 Kor 12:27; Efes 4:4; Fil 4:7
 3:16: Efes 5:19 3:17: 1 Kor 10:31; Efes 5:20

¹⁸ Nipitan, otisiai-in nərəmərəən rəha iaguihl min rəhatəmat, tahmen-pən əm mə pətan u in iəfak in otəkəike mol mihin.

¹⁹ Kən nəman, otolkeike rəhatəmat nipitagwəhl, kən motol təwir kəm ilat, məto əsotolən rəhatəmat nərəmərəən məmə otərəkin rəhatəmat nipitaguıhl min.

²⁰ Nisualkələh, otisiai-in rəhatəmat tata ne mama, məto-inu lərəmə rəhatat nikin otagien o nolən əh.

²¹ Itəmat tata min, esotolən nalpinən taprəkis-in nərətən itəm nisualkələh koatol, məmə nikilat otahmə ron. Məto okəmə nəkoatol nəhlan elat, kən rəhalat nətəligən in otatite.

Nolən rəha slef ne rəhan lərəmə

²² Slef min, nian rafin onəkotəkəike motol nəwia netəm-iasol min rəhatəmat, məto sənəmə nian əm itəm ilat koatehm itəmat lan məmə nikilat otətagien otəmat. Məto itəmat onəkotəkəike motol wək e nikitəmat pahrien rəha nos-ipənən nisaiiən kəm Uhgın. ²³ Wək naka itəm nəkoatol, otol e nikitəmat rafin tahmen-pən əm mə noatol wək rəha lərəmə rəhatat, sənəmə noatol wək rəha etənim əm. ²⁴ Məto-inu onəkotəkəike motitun wir məmə lərəmə rəhatat in otos-ipa nətouən ətuatip rəha natimnat min itəm nəkoatol ilat. Nətouən əh Uhgın tinəmən rəkis məmə otos-ipən kəm nenətin min. ?Kən nəkotitun nat u? Nəkotol wək rəha suah inəh lərəmə pahrien rəhatat, in lərəmə Kristo. ²⁵ Məto etənim itəm tatol nolən tərət, in otos ətuatip min noan nətouən rəhan o nolən tərət, məto-inu Uhgın, in tatol tahmen-ahmen əm kəm netənim rafin.

4

¹ Netəm-iasol min itəm koatərəmə, onəkotəkəike motol tətəuatip kən mahmen kəm rəhatəmat slef min, məto-inu

3:18: Efes 5:22

3:19: Efes 5:25

3:20: Efes 6:1

3:21: Efes 6:4

3:22: Efes 6:5-8

3:25: Rom 2:11

itəmat min nəkotəkəike motitun məmə rəhatəmat min Etəm-iasol in tətətig min əpəh e nego e neai.

Pol təməgətun ilat

² Itəmat onəkotəkəike moatəghat-pən kəm Uhgın e nəfakən e nian rafin. Kən nian onakoatəfak, rəhatəmat nətəligən otəkəike mətatig lan, kən nian rafin ağin nəkotəkəike moatən kəm Uhgın məmə nikitəmat tətəgien o natimnat itəm in təmol kəm itəmat. ³ Kən io iakolkeike məmə itəmat nəkotəkəike motəfak min otimat min, məmə Uhgın oterəh e suatip mə ekotən-iarəp nalpəkəu anionən rəha Uhgın e Kristo. Məto-inu ematən-iarəp nəghatən u inu kən kahtosig-in-pən io ron e kalapus. ⁴ Otəfak məmə iatən-iarəp nəghatən əh tətəuatip kən məpiə wir tahmen əm mə ekəike mol mihin.

⁵ Itəmat netəm noatəfak, pəs netəm kəsotəfakən kotehm-pən Iesu e nolən min rəhatəmat, kən e nian rafin onəkotəkəike moatehm wir mə nolən, ne nəghatən min rəhatəmat in otuw Iaihlua min kotuwa o Iesu. ⁶ Itəmat nəkotəkəike moatəghat wir kəm ilat e nəghatən min əm u itəm təwir kən mətehen, kən pəs ilat okotəto nəghatən min əh mə kotəwir. Kən itəmat onəkotəkəike motitun wir suatip min o nuhalpinən nəghatən min rəhalat itəm koatəpəh o rəhatəmat nahatətəən o Iesu.

Pol təmahl-ipən təs mil katian olat

⁷⁻⁸ Etahl-ipinə piətət etəm təwir, Tikikas, in tatimnə otəmat o nat kəiu əm məmə in otamnus nəghatən rafin rəhatimat kəm itəmat, kən in otol nikitəmat təmegəh. In piətət kit itəm io ekolkeike pik. Nian rafin in tatətul matip o nasituən lak e wək rəha İərəməyə. ⁹ In tatimnə ilau piətət Onesimas. Nian rafin in tətəhatətə əskasik e Iesu, kən itimat ekotolkeike pik in. In etəmim kit rəhatəmat.

4:1: Efes 6:9 4:2: Efes 6:18; Fil 4:6 4:3: Rom 15:30; Efes 6:19 4:5:
Efes 5:15-16 4:6: Efes 4:29; 1 Pita 3:15 4:7-8: Efes 6:21-22

Ilau okuən kəm itəmat namnusən rəha natimnat rafin ikin-u.

Namnun nəghatən rəha Pol təmuwin kəm ilat

¹⁰ Aristakas in tətatig e kalapus itimlau min. In tətahl-ipinə nəghatən wir kəm itəmat. Kən Mak, in pia Panapas, in min tətahl-ipinə nəghatən wir rəhan kəm itəmat. Itəmat nənamos rəkis rəhak nəghatən ron. Okəmə in otimnə rəhatəmat ikin, kən nakotit motuwın moatehm wir. ¹¹ Kən Josua Jastas, in min tətahl-ipinə nəghatən wir rəhan kəm itəmat. E noanol min rəha Isrel itəm koatahatətə e Iesu, suah miləhal əm əh, iləhal kətəhalasitu lak o wək rəha nego rəha Uhgin. Kən suah miləhal əh, iləhal kətəhalasitu pik lak e nian əskasik min itəm tatuwa e rəhak nəmegəhən.

¹² Epafras in rəhatəmat kit etənim, in min tətahl-ipinə nəghatən wir kəm itəmat. In etənim kit nian rafin tatol wək rəha Iesu Kristo, kən e nian rafin in tatəfak əskasik otəmat. In tatəpəh o Uhgin məmə itəmat onakoatətul əskasik kən motimətə motitun wir natimnat rafin itəm Uhgin tolkeike. ¹³ Ekitun nənən kəm itəmat məmə suah u in tatol wək əskasik o nasituən etəmat, ne netəm Laotisia, ne netəm Hierapolis. ¹⁴ Tokita Luk etəm kitat kotalkeike pik, ne suah u Temas, ilau min katuahl-ipinə nəghatən wir kəm itəmat.

¹⁵ Otahl-ipən min rəhak nəghatən wir kəm piətət ne winitat min əpəh Laotisia, ne pətan əh Nimfa, ne netəm koatəfak e nian min rafin əh rəhan ikin. ¹⁶ Məto e nian onəkotafin rəkis rəhak naoa un, kən motəike motahl-ipən kəm netəm Laotisia mə ilat okotafin min kəm netənim rəha niməfak əh-ikin. Kən e nolən kitiəh min, itəmat onəkotəkəike motafin min naoa rəha netəm Laotisia. ¹⁷ Kən itəmat nəkotəkəike motən-ipən kəm Akipas məmə

4:9: Flm 10-12 4:10: wək 12:12; 13:13; 15:37-39; 2 Tim 4:11
4:14: Kol 1:7; Flm 23-24

in otækaike mol rafin wæk itəm Iərəmərə rəhatat in təmos-
ipən kəm in məmə otol.

¹⁸ Io Pol, iatos pen matəte əm e nelmæk nəghatən u rəha
nənən təwir kəm itəmat. Sotaluinən sen itəm kəməlis io
lan e kalapus. Pəs Uhgın otasitu etəmat kən mawte-in
rəhan nəwirən tətətig otəmat.

North Tanna New Testament

The New Testament in the North Tanna Language of Vanuatu
Le Nouveau Testament dans la langue du Nord Tanna de Vanuatu
copyright © 2010 Wycliffe Bible Translators, Inc.

Language: North Tanna

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 14 Jun 2022 from source files dated 13 Jun 2022

46e9a2b5-26b8-5301-a079-623f3a20ef8b